

रखो हाथ ढाल तलवार मुठ मजबूती,
मुठ मजबूती ए धरदे रे जगदम्बा,
राजपूतों में मजबूती,
ए धरदे रे जगदम्बा,
राजपूतों मे मजबूती ॥

ए ओ मै सबसे पहला मात भवानी,
थाने ध्यावु रे भवानी थाने ध्यावु ए,
जगदम्बा थाने ध्यावु ए,
कुंकुम रा प्याला जगदम्बा ने चढावु,
ए कुंकुम रा प्याला जगदम्बा ने चढावु ॥

ओ मै याद करू जद मात भवानी म्हारी,
आजा भवानी म्हारी आजा जगदम्बा म्हारी,
आजा सुता शेरो ने मात भवानी जगाजा,
सुतोडा शेरो ने मात भवानी जगाजा ॥

ए मुगलो री फौजा गढ रे मेवाड पर,
आयी मेवाड़ पर आयी मेवाड़ पर आयी,
गढ गिरवा लियो चितौड़ घटा ज्यु जाई,
गढ गिरवा लियो चितौड़ घटा ज्यु जाई,
ओ जद अकबर आयने,
गढ चितौड़ गिरवाया चितौड़ गिरवाया,
ए ज्यु जलती बलती आग सु नार बचाया,

ए ज्यु जलती बलती आग सु नार बचाया ॥

ओ जद हल्दीघाटी ओर संग्राम हुआ भारी,
संग्राम हुआ भारी संग्राम हुआ भारी,
ए बिजली ज्यु चमके तेज तलवार उस राणा की,
ए बिजली ज्यु चमके तेज तलवार राणा की,
उस महाराणा रो भलकतो भालो रे भलकतो भालो,
हल्दीघाटी मे घूम रयो मतवालो,
हल्दीघाटी मे घूम रयो मतवालो ॥

ओ कोई अमरसिंह रा राठौड़ नागौर का जाया,
नागौर का जाया रे नागौर का जाया,
ओ जद आगरा जीतने फौज फतेहगढ़ आया,
ओ जद आगरा जीतने फौज फतेहगढ़ आया ॥
दोहा :चार बांस चौबीस गज अंगुल,
अष्ट प्रमाण ता ऊपर सुल्तान है,
तो मत चूके चौहान
ओ कोई पृथ्वी राज ए चौहान खांडा खडकाया,
खांडा खडकाया ए खांडा खडकाया,
आँखीया सु अंधा फिर भी बाण चलाया,
आँखीया सु अंधा फिर भी बाण चलाया ॥

ओ कोई सब भगता री लाज रखी मम माई,
ओ हिन्गलाज माई ए तनोट माई,
ए भादरिया री माई ए करणल माई,
ए नागणेची माई ए जगदम्बा म्हारी माई,
कोई दान कैलाश माँ शरण मे आयी,
अरे कोई दान कैलाश माँ की शरण मे आयी ॥

रखो हाथ ढाल तलवार मुठ मजबूती,
मुठ मजबूती ए धरदे रे जगदम्बा,
राजपूतों में मजबूती,
ए धरदे रे जगदम्बा,
राजपूतों मे मजबूती ॥

गायक श्याम पालीवाल जी ।
प्रेषक मनीष सीरवी
9640557818

Source: <https://www.bharattemples.com/rakho-hath-dhaal-talwar-majbuti/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>